

“I QUIZ UNIVERSALI”
“È fascista o è stalinista?”

'O fascista-stalinista

'O fascista-stalinista
è 'o “cchiù peggio” che ce sta,
sempe pronto 'ncapo a' lista
pe' te fa' 'na 'nfamità.

Tu nun riesci mai a capi'
se è di destra o di sinistra,
ma che vvuo'? ...fatto è accusi,
pecchè è suloegoista.

Sarrà forse malatìa
che ne fa l'anima gretta,
tene sempe 'na manìa
'e pensa' sulo a' vendetta;

è l'invidia che 'o sustene
contro chi nun sape niente,
n'obiettivo sulo tene:
“nu nemico dint' 'a mente”.

Nun racconta 'a verità,
quann' parla è 'na bucìa,
fa calunnie in quantità
e vvò paré... 'n'anima pia.

Ma 'a cosa assai cchiù triste
è che isso tene 'a scola
e i “cecati” vanno in pista
pe' segui' chella parola;

tutti venono allevati
c''a cultura d' 'o sospetto
e sicuro so' scartati
si nun portano “rispetto”;

hann' dice' sempe sì,
guai si pensano diverso,
nun se po' mai dissentì
o, si no, “stanno 'e traverso”;

forse tenono paura
pecchè sanno buono 'o fatto,
tene 'e spie p' 'a congiura
e po' agisce c''o ricatto;

nun migliora 'a Società
'stu fascista-stalinista,
tene..... 'na mentalità
comme fosse... camurrista.

Cecco Gambizzato
Ottobre 2003